

<b>Yn Adrodd i:</b>	<b>Y Cyngor Sir</b>
<b>Dyddiad y Cyfarfod:</b>	<b>27 Mawrth 2012</b>
<b>Aelod / Swyddog Arweiniol:</b>	<b>Y Cynghorydd Hugh Evans / Gary Williams, Swyddog Monitro</b>
<b>Awdur yr Adroddiad:</b>	<b>Gary Williams Swyddog Monitro</b>
<b>Teitl:</b>	<b>Adolygu Gwasanaeth y Crwner</b>

---

## **1. Ynghylch beth mae'r adroddiad?**

Mae'r adroddiad yn trafod canlyniadau adolygiad o ddarpariaeth gwasanaeth y crwner yn awdurdodaethau Gogledd Ddwyrain Cymru a Gogledd Canolbarth Cymru.

## **2. Beth yw'r rheswm dros wneud yr adroddiad hwn?**

- 2.1 Diben yr adroddiad yw amlinellu'r dewisiadau ar gyfer darparu gwasanaeth a gweinyddiaeth i gefnogi awdurdodaethau Crwner Gogledd-ddwyrain Cymru a Gogledd Canolbarth Cymru, yn dilyn marwolaeth y crwner blaenorol.

## **3. Beth yw'r Argymhellion?**

- 3.1 Fod awdurdodaethau presennol, Gogledd-ddwyrain Cymru a Gogledd Canolbarth Cymru, yn cael eu cyfuno i gynnwys ardaloedd pedwar awdurdod lleol Conwy, Sir Ddinbych, Sir y Fflint a Wrecsam.
- 3.2 Penodi Crwner llawn amser dros yr awdurdodaethau cyfunol.
- 3.3 Fod Cyngor Sir Ddinbych yn cael ei benodi'r Awdurdod Arweiniol i ddarparu swyddfeydd i'r Crwner a gweinyddiaeth i gefnogi'r gwasanaeth.
- 3.4 Bod costau'n cael eu rhannu yn ôl poblogaeth.

## **4. Manylion yr Adroddiad**

- 4.1 Mae crwneriaid yn swyddogion barnwrol annibynnol yn cael eu penodi a'u talu gan yr awdurdodau lleol perthnasol. Maen nhw'n gyfrifol am ymchwilio i farwolaethau treisgar, annaturiol, marwolaethau sydyn heb achos amlwg a marwolaethau amheus yn y ddalfa.
- 4.2 Y Weinyddiaeth Cyfiawnder sy'n gyfrifol am y gyfraith a'r polisi ynghylch crwneriaid ac mae'n ymdrin â gweithredu'r system crwner bresennol. Mae'r cyfrifoldebau'n cynnwys:

- Cydlynu traws llywodraethau ar faterion crwneriaid

- Ymholiadau a chyngor i weinidogion, crwneriaid, awdurdodau lleol a'r cyhoedd
  - Cydlynu â chrwneriaid a grwpiau profedigaeth
  - Hyfforddi crwneriaid a'u staff
  - Goruchwylio cyfuno rhanbarthau crwneriaid
  - Gwaith achos statudol arall
- 4.3 Ar ad-drefnu Llywodraeth Leol ym 1996, cafodd tair awdurdodaeth crwner eu sefydlu yng Ngogledd Cymru, mae dwy yn berthnasol i'r adroddiad hwn, sef:
- Gogledd-ddwyrain Cymru yn cynnwys Wrecsam a Sir y Fflint sy'n cael ei weinyddu gan Gyngor Bwrdeistref Sirol Wrecsam.
  - Gogledd Canolbarth Cymru yn cynnwys Sir Ddinbych a Chonwy sy'n cael ei weinyddu gan Gyngor Sir Ddinbych.
- 4.4 Ers 1996 mae Sir Ddinbych a Wrecsam wedi gweinyddu'u gwasanaethau ar wahân yn unol â chyfrifoldebau eu cyngorau unigol a chyda gweinyddiaeth eu hunain, ar wahân. Felly, mae'n amserol cynnal adolygiad o awdurdodaethau Gogledd-ddwyrain Cymru a Gogledd Canolbarth Cymru ac archwilio'r dewisiadau sydd ar gael.

### **Y Sefyllfa Bresennol**

- 4.5 Mae Cyfreithiwr mewn practis yn Ddirprwy Grwner ar hyn o bryd dros Ogledd-ddwyrain Cymru a Gogledd Canolbarth Cymru. Mae wedi aros yn Ddirprwy Grwner ers ymddiswyddiad ac yna farwolaeth y Crwner rhan amser blaenorol a oedd yn gweithredu dros y ddwy ardal, ac mae'n cael ei alw'n gyhoeddus yn aml ar hyn o bryd fel Crwner Dros Dro.
- 4.6 Unwaith y bydd Crwner yn cael ei ph./ benodi mae'n annhebyg y cynhelir unrhyw adolygiad nes y daw'r swydd yn wag. Mewn llawer o achosion, gallai hynny fod yn flynyddoedd gan fod Crwneriaid yn aml yn dal y swyddi tan oedran ymddeol a thu hwnt. Er enghraifft, gallai Crwner yn derbyn swydd yn 40 oed olygu na chynhelid adolygiad am o leiaf 30 mlynedd, nes y deuai'n amser i ddeilydd y swydd ymddeol.
- 4.7 Does dim oedran ymddeol mandadol i Grwneriaid. Fodd bynnag, mae gan y rhai sy'n dewis ymuno â chynllun pensiwn y llywodraeth leol hawl i barhau yn y swydd â phensiwn tan yn 70 mlwydd oedd ac yna, o flwyddyn i flwyddyn, trwy gydgytundeb gyda'r cyngor perthnasol ar ôl hynny. Effaith ymarferol hynny yw bod y rhan fwyaf o grwneriaid yn dewis ymddeol tua'r adeg y daw eu cyfraniadau pensiwn i ben.
- 4.8 Felly, mae'n amserol adolygu gwasanaeth y Crwner ac edrych ar ddarpariaeth y gwasanaeth yn y ddwy awdurdodaeth. Mae'r Gweinidog Cyfiawnder yn awyddus i archwilio'r posibilrwydd o uno awdurdodaeth y ddwy ardal, yn enwedig gan fod y ddwy ardal yn cael eu gwasanaethu'n rhan amser ac mae hefyd o blaid swydd Crwner llawn amser, fel sydd wedi'i osod yn y Mesur Crwneriaid a Chyfiawnder. Mae hynny'n cael ei gefnogi gan Gymdeithas Crwneriaid Cymru a Lloegr sydd, yn gyffredinol, yn dewis y trefniant hwn. Dyna

ddigwyddodd yn achos mewn un o'r adolygiadau mwy diweddar, pan benodwyd Crwner llawn amser i Mid Kent a Medway ym mis Rhagfyr 2010.

- 4.9 Efallai y bydd cyflwyno archwiliadau meddygol, y disgwylir eu cyflwyno ym mis Hydref 2013, hefyd yn effeithio ar y nifer o achosion sy'n cael eu hymchwilio ac ar faint o achosion cwest a fydd yn cael eu cynnal yn y dyfodol.

### **Llwyth Achos**

- 4.10 Yn seiliedig ar y ffigyrau diweddaraf gan y Gweinidog Cyfiawnder, 1,242 oedd cyfartaledd nifer y marwolaethau a riportiwyd am y cyfnod 2004 / 2009 yn awdurdodaeth Gogledd-ddwyrain Cymru a 1,612 yn awdurdodaeth Gogledd Canolbarth Cymru h.y. cyfanswm o 2,854.
- 4.11 Y nifer o achosion a argymhellir sy'n gwarantu ystyried penodiad llawn amser yw 2,000. Fodd bynnag does dim rheolau llym ynghylch hynny ac mae nifer yr achosion yn amrywio o ranbarth i ranbarth ac felly hefyd y dewis o gael Crwner rhan amser neu llawn amser. Serch hynny, sefydlwyd y byddai llwyth achos o 2,800 – 2,900 o farwolaethau'n rhesymol i grwner llawn amser.

### **Cyllideb**

- 4.12 Cyfanswm cyllideb blynyddol i Grwneriaid yn awdurdodaeth Gogledd-ddwyrain Cymru yw £340.065 a £375,461 yn awdurdodaeth Gogledd Canolbarth Cymru, sef cyfanswm cyllideb gyfunol o £715,526. Mae'n bwysig nodi nad oes, yn awdurdodaeth Gogledd-ddwyrain Cymru, gyllideb benodol erioed wedi'i gosod ar naill ochr ar gyfer cefnogaeth weinyddol i Wasanaeth y Crwner. Yn hanesyddol mae hyn wedi'i wneud ar sail llwyth gwaith ychwanegol ac ewyllys da ar ran y Timoedd Gwasanaethau Etholiadol. Nid yw'n ymddangos yn unrhyw le fel costau ychwanegol ac felly nid yw'n adlewyrchu'r sefyllfa gyllidebol wirioneddol y gwasanaeth. Mae cyllideb yn cael ei dyrannu i'r Awdurdod Lleol ar gyfer gweinyddu yng Ngogledd Canolbarth Cymru ac mae hynny'n cael ei amlygu o fewn y côd cyllideb.
- 4.13 Er bod y ddau awdurdod lleol yn gweinyddu'r cyllidebau, mae'r gwariant yn gyffredinol yn gwbl ddibynnol ar lwyth achos ac felly y tu allan i'w rheolaeth. Mae'r gyllideb flynyddol yn cael ei gorwario'n gyson yn y ddwy awdurdodaeth.
- 4.14 Yn ogystal, does dim darpariaeth gyllidebol ar gyfer 'taliadau cwest hir' a allai godi. Pan geir digwyddiadau felly, a bod crwner rhan amser mewn swydd, mae ganddo ef neu hi hawl i daliad ychwanegol ar ben y tâl arferol. Dengys profiad yn y gorffennol y gallai hynny fod yn gost arwyddocaol. Er enghraifft, canlyniad cwest y cynhaliwyd ym mis Mehefin 2007 i farwolaeth nifer o feicwyr yn Sir Ddinbych oedd taliadau ychwanegol o tua £12,500 i'r Crwner. Petai achosion eraill o'r fath yn codi, byddai'n rhaid canfod yr arian a byddai hynny'n cynyddu'r gorwario presennol.
- 4.15 Fodd bynnag, byddai'r broblem o daliadau 'cwest hir' yn cael ei diddymu pe dewisid penodi Crwner llawn amser. Gellid ystyried y dewis yma fel polisi yswiriant yn erbyn pwysau cyllidebol annisgwyl, yn enwedig yn yr hinsawdd economaidd bresennol.

4.16 Mae Atodiad 2 yn cymharu costau pedwar dewis sy'n cael eu hamlinellu yn yr adroddiad hwn. Yn seiliedig ar ffigyrau llwyth achos diweddaraf, dim ond y dewis o awdurdodaeth gyfun gydag un Crwner rhan amser sy'n dangos unrhyw arbedion cost arwyddocaol. Fodd bynnag, ystyrir fod y dewis yma'n annhebyg o fod yn gynaliadwy yn y tymor hir fel sy'n cael ei egluro ym mharagraff 4.21. Mae'r dewis o Grwner llawn amser yn dangos ychydig o gynnydd mewn costau.

### **Dewisiadau Gwasanaeth yn y Dyfodol**

4.17 Mae pedwar prif ddewis wedi'u nodi o ran darparu gwasanaeth yn y dyfodol.

- (i) Cynnal y trefniant presennol h.y. dau grwner rhan amser gyda threfniant gweinyddol ar wahân.
- (ii) Cynnal y ddwy awdurdodaeth gyda dau grwner rhan amser ond cyfuno'r trefniadau gweinyddol.
- (iii) Creu awdurdodaeth sengl newydd yn cynnwys y pedwar awdurdod lleol, gyda chanolfan weinyddol sengl a phenodi un crwner llawn amser h.y. byddai un Awdurdod Arweiniol sengl.
- (iv) Creu awdurdodaeth sengl newydd yn cynnwys y pedwar awdurdod lleol, gyda chanolfan weinyddol sengl a phenodi un crwner rhan amser h.y. byddai un Awdurdod Arweiniol sengl.

### **Dewis 1 – Cynnal y trefniant presennol**

4.18 Er bod y trefniant presennol wedi gweithio'n gymharol dda, teimlir y byddai anfanteision arwyddocaol mewn parhau gyda'r trefniant hwn. Yn benodol, mae'n anodd trefnu a rheoli'r gwasanaeth gyda Crwner rhan amser sydd hefyd â phractis fel cyfreithiwr. Yn ogystal, mae'r gweithdrefnau gweinyddol yn cael eu dyblygu yn y ddwy awdurdodaeth.

### **Dewis 2 - Cadw'r ddwy awdurdodaeth ond cyfuno'r trefniadau gweinyddol**

4.19 Mae'r dewis yma'n cael gwared ar ychydig o'r aneffeithlonrwydd sydd wedi'i amlygu yn newis 1 a gallai, yn y pendraw, arwain at arbedion drwy gael prosesau a gweithdrefnau mwy effeithlon a llyfn. Fodd bynnag, ni fyddai'n ateb y broblem o gael rhagor o reolaeth.

### **Dewis 3 - Uno'r ddwy awdurdodaeth a phenodi un Crwner llawn amser**

4.20 Dyma ddewis y Gweinidog Cyfiawnder a Chymdeithas y Crwneriaid. Er mai hwn yw'r unig ddewis sy'n dangos cynnydd posibl mewn costau, teimlir fod y manteision anariannol a mwy o sicrwydd o ran costau yn fwy na gwneud i fyny am y cynnydd bychan. Yn benodol, byddai problemau cael mwy o reolaeth cael eu hateb, byddai'r Crwner yn swyddfeydd y cyngor. Byddai proffil y gwasanaeth hefyd yn cael ei godi. Byddai'n bosibl hefyd, yn y tymor hir, cael arbedion ariannol gan y gallai un uned weinyddol fod yn rhatach.

### **Dewis 4 - Uno'r ddwy awdurdodaeth a phenodi un Crwner rhan amser**

4.21 Mae llawer o fanteision i'r dewis o benodi crwner llawn amser, ac efallai, hefyd arbedion. Fodd bynnag, hwn hefyd yw'r dewis lleiaf ymarferol. Mae graddfeydd tâl Crwner yn cyfyngu cyflog Crwner rhan amser i 2,000 o achosion y flwyddyn.

Mae'r llwyth achos presennol dros 2,800 i'r ddwy awdurdodaeth, ar gyfartaledd. Mae'n bosibl felly, dehongli y byddai'r ymgeisydd llwyddiannus yn ymgymryd â thua 800 o achosion yn ddi-dâl. Mae'n annhebyg o fod yn sefyllfa a fyddai'n denu ymgeiswyr.

- 4.22 Mae crynodeb o fanteision ac anfanteision pob dewis ynghlwm fel Atodiad 1.
- 4.23 Argymhelliad swyddogion y ddau Awdurdod Arweiniol presennol yw dewis 3 h.y. cyfuno'r ddwy awdurdodaeth bresennol a phenodi un crwner llawn amser.
- 4.24 Petai dewis 3 yn cael ei fabwysiadu, dim ond un Awdurdod Arweiniol fyddai ei angen. Hygyrchedd yw'r ffactor allweddol wrth benderfynu ar hyn a theimlir fod lleoliad canolog Sir Ddinbych yn ei gwneud yn ddelfrydol ar gyfer lleoli crwner llawn amser. Byddai'r crwner yn dal yn gyfrifol am benderfynu ymhle i gynnal cwest unigol, yn seiliedig ar ffactorau megis hygyrchedd. Gellid, felly, gynnal cwest yn unrhyw un o'r pedair ardal sirol.
- 4.25 Ffactor arall mewn penderfynu ynghylch Awdurdod Arweiniol yw un o allu rheolaethol. Ymddengys mai dim ond gan Sir Ddinbych mae'r gallu ar hyn o bryd.
- 4.26 Argymhellir ymhellach fod y costau sy'n gysylltiedig â'r gwasanaeth yn cael eu rhannu rhwng y pedwar awdurdod sir ar sail cymhareb poblogaeth.

### **Goblygiadau cyfreithiol**

- 4.27 Mae Crwneriaid sy'n gweithio mewn awdurdodaethau yng Nghymru cael eu hystyried yn Grwneriaid Cymru Gyfan. Fodd bynnag, pe penderfynid uno dwy awdurdodaeth Gogledd-ddwyrain Cymru a Gogledd Canolbarth Cymru, byddai angen Gorchymyn oddi wrth y Gweinidog Cyfiawnder i ddod â hyn i rym.

## **5. Sut y mae'r penderfyniad yn cyfrannu at y Blaenoriaethau Corfforaethol?**

Mae cadarnhau trefniadau llwyodraethu a gweinyddol addas ar gyfer Gwasanaeth y Crwner yn gyson ag amcanion y Cyngor i foderneiddio ei wasanaethau mewn cydweithrediad â sefydliadau eraill.

## **6. Beth fydd y gost a sut y bydd yn effeithio ar wasanaethau eraill?**

- 6.1 Mae'r costau'n cael eu dangos yn Atodiad 2 yr adroddiad hwn. Ni ddylai adolygiad o wasanaeth y crwner gael unrhyw effaith ar wasanaethau eraill y Cyngor.

## **7. Pa ymgynghori a wnaed?**

- 7.1 Hysbyswyd Heddlu Gogledd Cymru, Awdurdod Heddlu Gogledd Cymru a Bwrdd Iechyd Prifysgol Betsi Cadwaladr fod gwasanaeth y Crwner yn cael ei adolygu a gofynnwyd am eu sylwadau. Ar yr adeg yma, dim ond Heddlu Gogledd Cymru sydd wedi ymateb, gan nodi fod 'Heddlu Gogledd Cymru wedi mwynhau perthynas da ac effeithiol ers nifer o flynyddoedd gyda'r crwneriaid ac yn edrych ymlaen at gynnal y berthynas bositif yma'. Gofynnwyd hefyd i Gynghorau Sir y Fflint a Chonwy am eu sylwadau.

- 7.2 Ymgynghorwyd â'r Dirprwy Grwner a bydd yn cael yr wybodaeth ddiweddaraf ynghylch cynnydd yr adolygiad.
- 7.3 Mae Cymdeithas Crwneriaid Cymru a Lloegr wedi nodi mai Crwner llawn amser yw eu dewis nhw. Mae'r Gweinidog Cyfiawnder hefyd yn cefnogi'r dewis o uno'r awdurdodaethau a phenodi crwner llawn amser.

## **8. Datganiad y Prif Swyddog Cyllid**

Mae'r cynigion yn dangos cynydd bychan iawn yn y gost o tua £1,600 a fydd yn cael ei daenu ar draws y pedwar Cyngor a dylai gael ei gadw o fewn y cyllidebau presennol. Dylai, fodd bynnag, wella darpariaeth y gwasanaeth.

## **9. Pa risgiau sydd ac a oes unrhyw beth y gallwn ei wneud i'w lleihau?**

Mae'r adolygiad wedi dangos cynnydd bychan yn y gost o ran dewis 3, ond, byddai penodi crwner llawn amser yn hepgor gorfod talu am gwest hir ac yn rhoi rhagor o sicrwydd cyllidebol. Bydd yr awdurdodau'n ad-dalu'r costau ar sail poblogaeth.

## **10. Yr Hawl i Benderfynu**

A 1 Deddf Crwneriaid 1988

**Gwerthusiad o Ddewisiadau****Dewis 1****Dau Grwner gwahanol Rhan Amser ac 1 Dirprwy, dim uno Gweinyddiaeth Awdurdodau Lleol (fel ar hyn o bryd)**

<b>Manteision</b>	<b>Anfanteision</b>
Yn cadw'r status quo	Diffyg rheolaeth gyllidebol ar y gwasanaeth
Yn gweithio'n gymharol dda ar hyn o bryd	Cymhleth i'w reoli
	Mwy o fiwrocratiaeth
	Dyblygu'r broses weinyddol
	Perygl o ddyblygu taliadau
	Perygl o gwest hir ac felly costau ychwanegol a allai fod allan o reolaeth

**Dewis 2****Dau Grwner gwahanol Rhan Amser ac Uno Gweinyddiaeth Awdurdodau Lleol**

<b>Manteision</b>	<b>Anfanteision</b>
Byddai uno gweinyddiaeth yr Awdurdodau Lleol yn lleihau biwrocratiaeth a dyblygu a gallai arwain yn y pendraw at arbed costau	Diffyg rheolaeth gyllidebol ar y gwasanaeth
Lleihau'r posibilrwydd o ddyblygu taliadau	Cymhleth i'w reoli
Dim problemau ynghylch y system bresennol o ran y cyhoedd na staff y crwner.	Perygl o gwest hir ac felly costau ychwanegol a allai fod allan o reolaeth

**Dewis 3****Crwner llawn amser ar gyfer awdurdodaethau a gweinyddiaeth wedi'u huno**

<b>Manteision</b>	<b>Anfanteision</b>
Codi proffil y gwasanaeth	Amser segur llwyth achos
Y potensial i adeiladu'r gwasanaeth yn ganolfan o ymarfer gorau	Ychydig o gynnydd yn y gost, ond dim taliadau cwest hir, felly byddai'r awdurdodau lleol yn gallu cyllidebu gyda mwy o sicrwydd
Y Crwner fydd yn rheoli'r awdurdodaeth.	Posibilrwydd o fwy o amser teithio i deuluoedd er mwyn bod yn bresennol mewn cwest os mai dim ond un lleoliad llys sy'n cael ei ddefnyddio ar gyfer y pedair ardal awdurdod. Fodd bynnag, mae modd goresgyn hynny wrth ofyn i'r crwner deithio i gynnal cwest mewn gwahanol fannau.
Gwell cysylltiadau gyda'r holl randdeiliaid.	Llai o gyfraniad gan yr Awdurdodau Lleol ar lefel lleol.
Un system lefn, ganolog.	
Un Awdurdod Lleol ar gyfer tâl ac amodau.	
Un datganiad blynyddol	
Atebolrwydd a thryloywder clir	
Llwyth achos a darparu gwasanaeth cyson	
Dim perygl o daliadau 'cwest hir'	
Byddai uno gweinyddiaeth yr Awdurdodau Lleol yn lleihau biwrocratiaeth a dyblygu a gallai arwain yn y pendraw at arbedion cost	

## Dewis 4

### Un Crwner rhan amser ar gyfer awdurdodaethau wedi'u huno

<b>Manteision</b>	<b>Anfanteision</b>
Ar hyn o bryd mae'n cael ei wneud gan yr un person (er ar gyfer dwy awdurdodaeth ar wahân)	
Y Crwner yn gweithio o un swyddfa ganolog yn rhan amser	Gallai'r llwyth achos cyfunol fod yn ormod i swydd rhan amser
Tryloyw	Posibilrwydd o fwy o amser teithio i deuluoedd er mwyn bod yn bresennol mewn cwest os mai dim ond un llys sy'n cael ei ddefnyddio ar gyfer y pedwar awdurdod.
Un datganiad blynyddol	Gall llai o ymgeiswyr fod â diddordeb mewn swydd rhan amser sengl
Un system lefn ganolog sydd wedi'i sefydlu.	Mae nifer presennol o achosion yn disgyn y tu allan i'r graddfeydd tâl am grwner rhan amser.
Un Awdurdod Lleol ar gyfer tâl ac amodau.	Gallai cyflog isel fod yn rhwystr i allu penodi ymgeisydd o'r calibr priodol
Arbedion cyllidebol	Gall taliadau cwest hir anfesuradwy leihau / dileu unrhyw arbedion.



Cost y Dewisiadau

Atodiad 2

<b>GWARIANT NET</b>
*** CYFANSWM CYFLOGEION
*** CYFANSWM CLUDIANT
**** CYFANSWM CYFLENWADAU A GWASANAETHAU

Y SEFYLLFA BRESENNOL - DEWIS 1						
2 x Crwner rhan amser	2 x dirprwy Grwner rhan amser	Cymhorthwyr marwdy gyda'r crwner	A LI yn ad-dalu llety a threuliau	Gweinyddwr yn cael ei gyflogi gan A LI	Costau post mortem ac eraill	CYFANSWM
97,464	11,790	13,000	36,587		556,685	715,526
95,406	11,104	13,000	36,587	-		156,097
2,058	686					2,744
					556,685	556,685

DEWIS 2 - Cyfuno gweinyddiaeth A LI - Cyfartaledd llwyth achos 5 mlynedd 2004>2009
<b>GWARIANT NET</b>
*** CYFANSWM CYFLOGEION
*** CYFANSWM CLUDIANT
**** CYFANSWM CYFLENWADAU A GWASANAETHAU

DEWIS 2							
2 x Crwner rhan amser	2 x dirprwy Grwner rhan amser	Cymhorthwyr marwdy gyda'r crwner	A LI yn ad-dalu llety a threuliau	Gweinyddwr yn cael ei gyflogi gan A LI	Costau post mortem ac eraill	CYFANSWM	ARBEDION / (COSTAU YCHWANEGOL)
97,410	11,974	12,500	37,000		556,685	715,569	- 43
95,410	10,974	12,500	37,000	-		155,884	
2,000	1,000	-				3,000	
					556,685	556,685	

<b>DEWIS 3</b> - 1 crwner rhan amser ar draws 4 sir - 1 dirprwy grwner rhan amser - Cyfuno gweinyddiaeth A LI - A LI i ddarparu swyddfeydd a llys
<b>GWARIANT NET</b>
*** CYFANSWM CYFLOGEION
*** CYFANSWM CLUDIANT
**** CYFANSSWM CYFLENWADAU A GWASANAETHAU

DEWIS 3							
1 x crwner llawn amser	1 x dirprwy Grwner rhan amser	Cymhorthwyr marwdy gyda'r crwner	Swyddfeydd gan A LI	Gweinyddwr yn cael ei gyflogi gan A LI	Costau post mortem ac eraill	CYFANSWM	ARBEDION / (COSTAU YCHWANEGOL)
112,000	13,000	12,500	-	23,000	556,685	717,185	- 1,659
110,000	12,000	12,500	-	21,000		155,500	
2,000	1,000	-				3,000	
				2,000	556,685	558,685	

<b>DEWIS 4</b> - 1 crwner rhan amser ar draws 4 sir - 1 dirprwy grwner rhan amser - Cyfuno gweinyddiaeth A LI - A LI i roi swyddfeydd ond nid llys
<b>GWARIANT NET</b>
*** CYFANSWM CYFLOGEION
*** CYFANSWM CLUDIANT
**** CYFANSSWM CYFLENWADAU A GWASANAETHAU

DEWIS 4							
1 x Crwner rhan amser	1 x dirprwy Grwner rhan amser	Cymhorthwyr marwdy gyda'r crwner	Swyddfeydd gan A LI, llogi llys	Gweinyddwr yn cael ei gyflogi gan A LI	Costau post mortem ac eraill	CYFANSWM	ARBEDION / (COSTAU YCHWANEGOL)
66,960	8,470	12,500	5,000	23,000	556,685	672,615	42,911
64,960	7,470	12,500		21,000		105,930	
2,000	1,000					3,000	
			5,000	2,000	556,685	563,685	